



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六五三

望三益齋詩文鈔十四卷（燼餘吟草二卷詞草一卷公餘吟草二卷

歸田詩草一卷雜體文四卷讀詩一得一卷制義一卷塾課一卷試

帖一卷）附孝敬堂試藝一卷 吳 棠 撰

一

種樹軒文集一卷種樹軒詩草一卷 郭長清 撰

二二五

昨非集四卷 劉熙載 撰

二七五

觀濠居士遺著十九卷（文集二卷詩集三卷附附錄補遺詩餘雜著

一卷文字說解問譌四卷許書幹支建首形義正譌一卷積古齋鐘

鼎彝器款識辨疑八卷） 楊沂孫 撰

三二七

虹橋老屋遺稿九卷（文四卷詩五卷） 秦綰業 撰

五七五

望三益齋詩文鈔

同治甲戌
於成都使署

敘

制軍仲僊吳公都其詩文曰望三益齋集命其屬吏黃雲鵠敘雲鵠迂拙不曉事由部郎出守海內知不知皆惜且憂之比入蜀謁公一見卽深器許嘗從容語鵠曰若未來人憚若有圭角不謂心氣和平乃爾擬留鵠省垣鵠以朝命乞之雅雅瘠郡且僻念無繇報

上恩日夕親民與蕃漢士女宣說孝義爲娛樂志甚安之京洛會垣故人書至皆不答亦無一字仰干大府公廉得實益器之每公牘批答時時有以德化民及保赤誠求等語會首郡乏員以鵠充奏牘考詞多至五十八言實近今

敘

所罕比莅事日承公訓幸無大戾每語及時勢艱難民生疾苦輒相對泣下甫逾年奉

命分巡建南還駐雅公惜別之情屢形詞色去年冬公以鵠文字爲海內所不棄出示此集命弁一言首郡促促久未報命今不可無言矣公以淮右宿儒起家大令愛民忠國之忱迄今如一日豐功偉伐載在策書不待以詩文斷不朽卽以詩文論蘊抱宏深宅衷悱惻愛民忠

國之本懷時流露於意言之表蓋惟不徒從事詩與文茲詩與文所以可傳也久閱世艱者應然鄙言

同治十年秋七月黃雲鵠謹敘

題識

性情遭際皆近浣花翁故詩亦不求肖而自合客途中有此奇遇吾道真不孤也

咸豐戊午仲冬廿五日瑞安孫衣言謹跋於毗陵舟中

以沈鬱跌宕之懷處家國艱難之際由中之言仁與而就故非徒以詞采聲律見長可比

咸豐九年己未人日魯一同識

同治乙丑春公督漕河時策案從事於清淮善後局從李

采臣廉訪處得讀公文鎔經鑄史博大昌明久深私淑戊

辰夏間公由閩溯入朝策案隨節西來暇日讀燼餘公

題識

餘詩編一片忠

君愛民之心時流露於墨中簡外手鈔未竟適將北行謹

綴篇末以誌欽仰

同治己巳仲春年姪彭毓榮謹識

詩以理性情得其性情之所近而品於是定焉唐人之詩

思沈力厚後人無能企及握月擔風亦多佳句而初無關

繫不足動人盥誦吟草兩冊上念

君國下顧閭閻語語從肺腑流出吐屬不凡可以追蹤詩

史故雖聽雨聞蛩亦關心於民瘼想見大臣胸懷人品與

詩品皆必傳者也

同治庚午夏四月吳爲楫謹識

題識

二

題詞

讀望三益齋燼餘詩集

瑞安孫衣言

琴西

腹笥兵書萬里侯誰知詩句妙千秋流離世已同天寶戈
甲心猶壯陸游翠鳥鳴風嗟鍛羽玉虹貫月喜隨舟他年
會有

昇平樂滁水滁山待唱酬

仲仙制帥由閩過浙出望三益齋大稿命題謹賦長

古一章卽送旌麾蒞蜀

全椒薛時雨

慰農

吳公治行天下知週歷守令躋兼圻長淮千里作保障掃
蕩梟獍平鯨鯢八閩兩浙固兵燹星軺一到甘雨隨三月

題詞

一

大治境內輯鄰疆嫌隙生睚眦陳生伯輿各爭政子朱叔
向將拂衣

詔公遠涉論曲直

天子所左臣左之調和平勃睦廉藺封章上達

天顏怡羊城返旆席未煖去思旋勒南臺碑湖山花柳近
妍好津亭搖曳迎檐帷去年迎公浙民喜今年迎公浙民
嚶嚶輟臥轍苦惜別三春風雨停驂騑武林舊吏棄簪組
儵然遁跡甘朝飢萊公折節禮魏野鷗鷺有意鷗忘機采
蕪剪韭預雅譙酒酣談笑拈吟髭自言疆寄責重大雕蟲
小技久不爲頻年行役逾萬里蠻煙蠻雨親驅馳炎荒所

見駭心目艱難時勢堪嗟咨明珠翡翠徧島市寶貴無補
民瘡痍花田萬頃白成雪東阡西陌荒鋤犁犬羊驕縱馳
竭毒腥羶海氣凌黔黎孫盧遺孽鏟不盡常恐伏莽驚邊
陲忠

君愛 國出肺腑憂思軫結宣之詩其餘舊作半散佚東
閣補綴供吟披吉光片羽自珍惜要我退筆標新題撞鐘
那可持寸莛測海未免嗤銅蠡生平知己竊感激長歌聊
爾揚清徽公今節鉞建西蜀三巴父老瞻旌旗成都自古
稱富庶勝國以後嗟流離賤子家世隸蜀籍水源木本分
宗支拾遺未克侍僕射錦江迢遞空縈思願公勲業邁晚

題詞

二

近堂堂巾扇名同垂文翁化俗只循吏司馬發難多厄詞
章皋威望足坐鎮豪華聲色當時議方今秉節重邊徼川
疆往往參綸扉政成入告直 三殿休明鼓吹陳 形埤
浣花劍南集何慕賡歌上媲美與夔

受讀詩集謹成俚句

山陰陳爾幹

柏堂

希文作秀才憂樂關域中司馬登樞軸情與寒素同古人
重行己所異非窮通居彼則顧此循環無始終斯理近不
遠誦此肆好風

杜陵當天寶家國遭此離惟無救世權一一宣之詩所以
千百篇反覆重齋咨君子民攸暨阨厄則拯之偶爲感慨

語難解心亦夷瑣較多寡將毋識者嗤

社稷本不材復生大道邊人或屏剔之亦不全其天愧非
暴下桐迺受中郎憐終異清廟瑟不足施朱絃桃李辜春
風蒿蔚懷高年讀公至性詩中夜心茫然

奉題盡餘公餘吟草二冊

錢塘吳爲楫 清雲

徐庾風流筆幾枝裁雲鏤月亦何奇論文卽是論人法一
卷忠君愛國詩

故園兵燹駭吟魂積善能邀再造恩畫到枌榆依舊綠可
能耕讀老江村

浣花谿上駐形駒猶爲籌邊幾倚樓自昔蜀公能鎮靜幾

題詞

三

人風雅作遨頭

左臺而後竹洲前富體平稱世系傳今日吾宗詩更健夢
中晝日筆如椽

敬題粵遊詩卷後

薛時雨

星軺遙向五羊移萬里炎荒迓節麾粵秀山前供弔古皇
華使者例陳詩老臣慮遠憂增杞

盛世籌邊守在夷荔浦花田空自好錦囊曾不貯妍詞

封圻何事苦相妨榮戟巍巍各抗行海國蒼茫多變幻疆

臣爭執費平章論功百戰推樊噲不學千秋惜霍光物議

允孚

宸聽愜清風一路拂歸裝

閩嶠重臨愷澤敷東西川合又分符

聖恩稠疊鄰封忌新政嚴明黠吏通儘有蒼蠅能玷璧斷
無意可成珠扶桑日出浮雲散公正從知德不孤

袞衣蘿薛記前緣長嘯湖山手擘箋

戊辰春仲公駐節杭
州陪譚西湖累日出

望三益齋詩稿命題卽席卿月至今明蜀道客星長此老
賦長古一章公極許可

江天亦思肝膽酬知己自顧頭顱感暮年叢桂淮南公憶
否心香遙蕪錦城邊

敬題使粵紀游詩卷後

石屏朱在勤 次民

海色蒼茫大筆收讀公詩若侍公游儒臣風化行閩嶠鄰

題詞

四

國星軺入廣州錯雜夷言諸島靜銷沈霸氣一臺秋錦囊
歸貯匡時策不侈皇華擁八騶

燼餘吟

二卷

附詞草
一卷

敘

仲僊漕帥洞視萬古博極羣籍文學飾治雅歌臨戎開發
爲詩不欲自炫洊經劫火半淪墜簡酒話俄空三篋誰補
偶事撫拾益之近作名曰燼餘吟公餘之吟稀矣燼餘抑
更尠矣當夫道腴自悅奇抱孤寄南樓之興助以豪宕春
陵之行將之悱惻縮龍成寸寫駿遺顏名心不存深蘊莫
掩厚積薄發亶其然乎振倫猥以齊年永佩幽贊窺比一
斑得匪空螯獨念公方廓雅道搜逸文說士猶肉好賢若
渴是冊片石自語碎金偶傳公誠抑然示沖吾終存乎見
少買菜乎求益也

敘

同治癸亥十月歸安錢振倫謹敘

望三益齋燼餘吟草目錄

卷一

寄懷傅梧生桐排律四十韻丙申

勵志

題王味蘭學博續廬詩集丁酉

元日戊戌

計偕至高良澗望洪澤湖同戴二鐵夫秦二竹人作

徐州晚眺

留別味蘭學博辛丑

附錄味蘭次和原韻

燼餘吟目錄

一

題堂兄萃賢遺像

堂堂壬寅

贈王芾南癸卯

古邳嶧陽書院端陽分賦艾人乙巳

有感丙午

袁浦中秋對月

吳門題劉眉士師莎廳課經圖己酉

龍潭道中和張船山太史驛柳元韻

桃源倉家集勘災庚戌

十二月二十四日喜雪分韻得之字癸丑

王石生錫麟大令將之官甘肅枉過敝廬卽和見贈

元韻送之丁巳

卷二

戊午七月家燬於賊萬卷頓盡猶子炳言拾取舊讀

昭明文選一部閱之增感戊午

落葉

附錄傅味琴和作

和李少荃觀察丙辰明光題壁元韻

再疊前韻

附錄李少荃觀察題壁

燼餘吟目錄

二

附錄少荃觀察戊午七月廬垣再陷重過明光追

步原韻見示

附錄少荃觀察再疊前韻見贈

附錄傅味琴戊午贈和三首誌患難交也

題劉玉叔郎峯耕釣圖

潘孝婦蔣孺人孝行令子麟生茂才索題

題王拙生叔劍詩集

附錄王拙生見贈原作

題潘子繡詞集

題朱韞山司馬詩集

題朱伯韓觀察詩集

附錄朱伯韓觀察次和原韻

輓溫伯平方伯

聽雨

贈孫琴西友言太守

附錄孫琴西太守寄和原韻

毘陵舟次薛華亭明府馬石樵明經話舊次夏日華

亭見贈元韻

附錄薛華亭見贈原作

題劉玉叔人淡如菊圖

燼餘吟目錄

三

次孫琴西太守吳門喜晤見贈元韻

附錄琴西太守見贈原作

又次贈題燼餘吟草元韻

京口望金焦二山

望皖

望三益齋燼餘吟草卷一

盱眙吳棠仲僊

男燼和樓

寄懷傅梧生桐排律四十韻丙申

朔雪明虛牖寒颼颼遠天感時心惻怛懷友意纏綿贈編

慚吳札論詩想傳元停雲分百里舊雨已三年記訂蘭盟

日相逢瑣院前甲午春試心知同握手齒長願隨肩君長

歲昆季才華富謂仲魯仲朋交意興翻謂沈器舫張少卿

性情敦勸勉文字重因緣各抱青冥志頻乘白下船長干

秋看塔短燭夜題箋射策才原大聯鑣蹇竟先稀苓偏入

藥龍鼎尚潛淵璞待千金市詩兼五色妍贈言勞蘭紙勉

燼餘吟卷一

一

我到花磚今春北上承傍水先看月餐霞競得僊春明開

詠蕩夏屋總英賢地阻強臺上舟難弱水沿鳳城迴首

遠雁塔幾人鐫樂未聞英漢歸還理槩沿磨人空惜墨坐

我只借甌憶昨來山縣邀從過朝川等身增著述洗眼對

清遶紅樹雙溪合湖光一鏡圓殘碑荒蕪剔峭壁土花纏

時同新瑞蠟屐青山討詞壇赤幟懸春風問程子秋水訪

成連謂君學詩於祿詩筆窮能健交情久益堅還家仍契

濶遠道又縣延苔異岑原合萍逢浪易旋君能彈古調我

獨抱殘編蝸舍書盈几龍衣屋數椽梅花香郁郁修竹影

娟娟意釣魚無網躬耕硯是田激昂雷煥劍羞澀阮孚錢

風雨鳴雞冷江湖宿鷺拳美人隔淮浦瑤瑟黯朱絃共喜
天倫樂同期德性全感多窮谷士清勵在山泉四角吟成
未千秋業勉旃驪黃騰達志莫憚祖生鞭

勵志

澄波容易變狂瀾始信人生立腳難安得一渠清白水出
山還作在山看

題王味蘭學博蠙廬詩集

丁酉

杜陵逝後千餘載崛起雄才接浣花獨惜風塵淹骨相爭
傳詩卷到天涯唾壺感慨騷人老舞劍蒼涼壯士嗟綠鬢
銀鞍回首認用集中自題
按筆圖詩意奇情郁郁吐青霞

燼餘吟卷一

二

元日

戊戌

萬象欣欣在早春東皇肅駕展朱輪岡陵願祝

君親壽草木都欣天地仁老輩過談風自古邵屏山師
程瑞軒母

舅與家大貧家得樂味彌真踰蹠且莫催遊子留戀

庭暉愛未伸

計偕至高良澗望洪澤湖同戴二鐵夫秦二竹人作

柔絲不斷柳毵毵攬轡澄清此駐驂屨氣百重連晝夜虹

隄一線障東南力驅沙石河流頌氣約魚龍澤國耐爲道

聖人明德遠支祁安穩伏深潭

徐州晚眺

大彭岡下樹樛樛杖策登臨氣倍豪東去河聲環郭走南
來山色出城高歌風帝子鄉園古戲馬英雄霸業勞寂寞
黃樓斜照晚怒雷驚起呂梁濤

留別味蘭學博

辛丑

饑鳥墮水寒雁飛雪花凍澀游子衣主人有約留十日消
寒高會紅鑪圍我思寒士之寒消不得廣廈何處遮荆扉
高堂已極倚闌望債帥況有旁人譏豬肝那屑累安邑湖
風獵獵催人歸我歸我貧豈能逐菽水爲樂親心怡男兒
抑鬱困鄉里有淚不肯窮途揮高歌一曲謝知己蕭然襍
被行驂駢

燼餘吟卷一

三

附錄味蘭次和原韻

盱眙王蔭槐

同雲作花雪亂飛朔風栗冽吹蓑衣漁翁一竿釣淮上

哀鴻叫天冰四圍荒磯三日絕人蹟衝寒有客散柴扉

填膺滿把窮途淚欲說似畏常人譏男兒萬鍾謀祿養

長安下第空來歸觸我春明廿年恨九原安得親顏怡

將母不逮諗 王事魯陽返日戈徒揮嗟君負米且

勿泣他年四牡歌駢駢

題堂兄萃賢遺像

吾宗商山初發源孝敬遺澤千春延世德忠厚著前哲後
之起者思承先伯兄高誼重族黨諸父昆弟無間言艱難

少壯閱荼苦風餐雪虐經迤邐牽車服買四方去辛勤貨
殖追計然門楣手創堂構啟衣食粗足欣安便間騎款段
出鄉里少游心事償暮年平生伉俠出天性與人坦率無
周旋解紛排難片言決濟危扶顛眾口傳釋嫌頓使亂絲
理待澤常使枯魚鮮友愛尤徼至性篤讀書獎勵頻殷拳
憶昔同泛白門棹烏蓬一葉懸秋煙采石磯邊共弔古寺
樓風雨牀相連脊令急難重輔助孔懷此念時惻惻去年
里門揖兄去雲霄厚望期飛鸞神山風引不易到長安米
貴居維艱魚書幾次詢近狀康強猶說同從前豈期此別
竟千古曷禁涕泗揮漣漣披圖音容祇彷彿欸那復重

燼餘吟卷一

四

隨肩所冀後嗣識勤儉先業克守其勉旃創者實難守不
易謹承自可安重泉我受兄訓復訓姪元宗總願酬前賢
濡毫敘述代碑誌顛末紀實何誣焉凡令人孰如兄弟令
我垂涕常華篇

堂堂 壬寅

堂堂白日去如何搔首西風客感多尺地寸天今版籍披
荆斬棘古瀾河雪山輕重關嚴武粵國興衰問趙佗莫漫
請纓談壯志登壇三十已蹉跎

贈王芾南 癸卯

千古大文章六經乃根柢因文見道源自非誇浮靡之子

特英妙騏驎可千里今茲捷芹宮發軔亦足喜所期高明
資柔克爲要旨修名懼不立豈必才華侈我觀江河源其
始濫觴耳汪洋滙百川滄海無涯涘勉哉令德崇勿爲吾
黨恥分陰宜自愛近思前哲理 癸卯四月芾南獲捷芹宮
不止是也聞其入書肆首取五子近思錄 甚高所相期者
實之志趣可謂正矣書此冀勉其後也

古邛嶧陽書院端陽分賦艾人 乙巳

居然小草寄相思幾艾云云彷彿之暫現道裝裁錦細爲
甦民困出山遲懷人一日深連歲蓄藥三年作上醫留取
清冰同照映此心惟有日華知

青袍綠鬢憶生平漫作勞薪感慨聲厄天教留俠骨卻

燼餘吟卷一

五

那地爲毓靈莖鍼砭別佐君臣治痛癢先關手足情烈火
叢中看一現清涼畢竟起芸生

有感 丙午

厭作繁華夢難平磊塊胸深堂安燕雀大澤隱蛇龍眯目
風沙苦薰心醉飽濃應知幽壑底松柏耐殘冬

袁浦中秋對月

屏騎驅除開帝闔平看碧海湧冰輪山河自昔涵清影天
地何曾有俗塵皓魄任淘千古浪靈臺誰證百年身瓊樓
玉宇高寒處渺渺煙波憶美人

吳門題劉眉士師莎廳課經圖 己酉

記從郊坰瞻韓日欣值書聲達鯉庭一十五年如夢過不堪往事話莎廳

架插芸編院鎖苔寓公門第重徘徊應知燈影機聲裏一樣歡顏慰夜臺

夫子循聲教養兼至今瀨水頌窮檐一編治譜從頭讀生以吾師治漢官書見贈感觸師恩涕淚霑

玉樹芝標味可熏傳家經術喜繽紛木天他日簪豪處再讀瀧岡至性文

龍潭道中和張船山太史驛柳元韻

驛路鞭絲喜放晴况饒官柳客途迎古今郡縣留名處風

燈餘吟卷一

六

雨關河送別聲三弄不須悲玉笛十圍未免感金城將軍大樹多遮蔭灞上休尋漢將營

梁徧風塵京洛衣長途振觸損腰圍綠隨芳草天涯去春共梅花江上歸寶馬香車看冉冉北鴻南燕任飛飛登樓

極目柔絲縮王粲荊州孰共依

多謝長條掛夕陽常年送客總他鄉曉騰萬馬春如霧夜點千鴉秋欲霜不厭紅塵綠暘陰特留青眼慰名場勞勞

送客亭邊路莫怨鹽車上太行

隋堤寂寞問揚州一片蒼茫萬古愁風雪多情嚴斥堠旌旗何意識王侯幾多搖落勞薪感無限纏綿逝水流何似

五株陶令宅撫松采菊共吟秋

桃源倉家集勘穴庚戌

長堤一線界湖河竟載蛟龍不敢過誰遣平原成澤國徒令沃壤卷層波民寒更苦秋風旱地下偏逢苦雨多求牧求芻慚負負距心其奈負心何

十二月二十四日喜雪分韻得之字癸丑

蜚鴻四海驚何之鴟鵂猿嘯愁猖披炎荒火熾熾崑玉乾坤坐見生瘡痍三冬苦旱風燥烈如焚日念憂心滋省躬自知下吏罪回天妄冀明神慈一禱再禱若有應彤雲漸布迴祥颺膏雨無聲徹晝夜已見喜色生茅茨天心仁愛

燈餘吟卷一

七

猶未足滕六屏翳供驅馳原田高下盡沾溉此貺豈止瓊瑤施連雲宿麥根蒂固更無羽孽煩誅夷天地爲爐鑄萬物栽培傾覆恩無私服妖官邪召萌孽祥和變屬生羆羆苦心肅殺寓長養大造豈不傷此離矧今

聖主警宵旰洪鈞轉運尊綱維萬象但期返淳樸一氣定見消瑕瘕挾纊共慰士卒志含哺徧洽齊民思作詩誌喜還誌誠要令到治追軒者

王石生錫麟大令將之官甘肅枉過敝廬卽和見贈

元韻送之丁巳

南經吳越北輶輶雲夢胸中八九吞早見掣鯨追杜老欣

看叱馭學王尊一家蘭玉風流擅卅載粉榆往事論老輩
彫零同輩遠愴懷春夢去無痕

兵氣曾纏大角芒頓邱螳賊接都梁頻憂里閑添鳩鵲尙
喜山林狎虎狼避地眼前皆樂土秣時肘後少奇方惠風
習習清流映執熱欣從一濯涼

壯游躍馬寶刀橫繾綣彌深渭浹情竹箭東南資利矢榆
蘭西北倚長城清時察吏廉爲本故舊關心宦早成經術
文章關治譜從來茂宰重書生

攬轡澄清願肯違整令游子拂征衣平情總覺民風好努
力誰云世事非大海蛟龍思致雨長空鴻鵠任高飛康莊

燼餘吟卷一

八

險道同珍重天馬休輕脫帶轡

望三益齋燼餘吟草卷二

盱眙吳棠仲僊

男炳校字

戊午七月家燬於賊萬卷頓盡猶子炳言拾取舊讀
昭明文選一部閱之增感

萬軸牙籤付劫灰一編猶幸出蒿萊似從秦火摧殘地獨
剩蕭梁碑岬臺汗簡載餘嫌宦橐焦桐爨竟寫餘哀青鑑
好續兒曹讀恢復書城望後來

落葉

荒戍西風起暮笳無邊搖落感天涯夕陽瑟瑟翻鴉背古
驛蕭蕭雜馬嘶四序早知歸代謝三春何苦擅榮華枯梗

燼餘吟卷二

一

病柏傷顏色腸斷江頭杜浣花

洞庭波起雁聲哀宛轉辭柯首重迴爲感商聲作風雨記
多濃綠護樓臺雲霄力倦荆鄴下花蔭思深福是災飄泊
中流休怨似須知砥柱有根荄

附錄傅味琴和作

泗州傅桐

大樹風聲近若何卻憐生意整婆娑荒林秋老仍寒雨
古社根深自舊柯一夕辭枝驚物換萬家舉火賴君多
春委行見回溪壑起舞休嗤鬢影皤

和李少荃觀察丙辰明光題壁元韻

眼看滄海竟成塵同此鄉關潦倒身擊楫原期涉風浪取

禾甘讓擅塵固可憐戰哭多新鬼無那窮途半故人望切
天戈勤掃盪莫教困鬱損心神

那是扁舟泛五湖中原委賦誤偏隅恬熙同作處堂燕縱
逸誰覓集幕烏但願旌麾勞大帥何妨耕釣隱吾徒故鄉
回首他鄉遠欲別頻教足重躋

再疊前韻

白羽難麾庾亮塵關山飄泊轉蓬身孤軍苦憶禽填海疲
卒飢同雀噪困袞袞諸公誰撥亂茫茫浩劫悔生人青蓮
喜晤長安市結契文章尙有神

狂瀾勢掃倒江湖全皖蒼生哭向隅我是纍纍當座鶴君

燈餘吟卷一

二

多舛戀哺林烏田橫本自多奇客劇孟還應訪博徒聞說
義團能殺賊官軍何事重踟躕

附錄李少荃觀察題壁原作 合肥李鴻章

四年牛馬走風塵浩劫茫茫賸此身杯酒借澆胸磊塊
枕戈試放膽輪囷愁彈短缺成何事方挽狂瀾定有人
綠鬢漸彫旄節落關河徙倚獨傷神

巢湖看盡又洪湖樂土東南此一隅我是無家失羣雁
誰能有屋穩棲烏袖攜淮海新詩卷歸訪煙波舊釣徒
徧地枯苗待霖雨閒雲欲去又踟躕

附錄少荃觀察戊午七月廬垣再陷重過明光追

步原韻見示

猿鶴蟲沙跡已塵見幾悔不早抽身破家奚恤周發緯
贈策多慚魯子國蜀岫愁雲自終古梁園詠雪又何人
憤來快草陳琳檄鞞鼓無聲暗愴神

單衫短劍走江湖飄泊王孫泣路隅大漠風高秋縱馬
故山月黑夜嘯烏治軍今有孫吳略籌餉誰爲管葛徒
閉口莫談天下事鄉關回首重躊躇

附錄少荃觀察再疊前韻見贈

江呂諸公骨作塵鄉邦扶義仗君身危置赤手支三載
饑歲仁恩賑百國而長大旱君倡捐賑活萬人甚多天子知名淮

燈餘吟卷二

三

海吏蒼生屬望洞阿人眼前成敗皆關數留取丹心質
鬼神

浮生萍梗泛江湖望斷鄉園天一隅心欲奮飛隨塞雁
力難返哺戀慈烏河山破碎新軍紀翁帥新授撫篆勝
臣皆蓋郡書劍飄零舊酒徒國難未除家未復此身
雖去也踟躕

附錄傅味琴戊午贈和三首誌患難交也

來歸荒忽款甯陳作好中軍臥雨數不謂質言猶在耳
翻然焚掠又亡脣滌泥失策無完壁淮泗橫流要此人
五載索居悲浩劫卻欣意外奉英塵

紛然譽賊有人言消息傳來卻思眞忍看長蛇凌上國
誰憐飢雀噪空囷人煙比屋青郊斷兵火雄城白骨新
我阻東行亦從眾君留豈止弩千鈞

河山風景本無殊壯志從來願執戈路人八公無橫草
營連三帥有棲鳥包胥痛哭援應至精衛填冤海或枯
磨劍玻璃泉水上盪氛先請自粉榆

題劉玉叔郎峯耕釣圖

玉叔名觀漢爲
眉士師次子

萬壑抱孤徑翛然何處村粉榆懷祖德梁木重師門歸思
久逾切先疇古所敦釣逢山下路宰樹蔭常存釣魚逢山
係吾師讀

燼餘吟卷二

四

險絕仙霞嶺由來古戰場熊羆酣臥榻孤鼠縱跳梁慘澹
愁荆棘劬勞念稻粱披圖好山水八百許栽桑
卜兆依淶水先廬買薄田何辜值兵燹無福占林泉共此
鄉關念偏慳邱壑緣幾時洗兵馬耕鑿戴
堯天

潘孝婦蔣孺人孝行令子麟生茂才索題

一編淒絕瀧岡表孝義千秋至性存古井波瀾澄月魄女
貞生死託金萱泉臺畢志仍隨侍病榻關心只報恩自是
從容成慷慨清芬噴噴重吳門

題王拙生

叔釗詩集

天風吹浩浩海上此聽琴百感入幽思雄才託苦吟秋紉
香草佩淚滿浣花襟憂樂齏鹽寄毋忘利濟心

附錄王拙生見贈原作

長洲王叔釗

樽酒論歡夕追陪忝綺筵久傳毛氏學

謂君所著
讀詩一得早識

隱之賢世事方荆棘公才賴轉旋自慚猶末學無路著
先鞭

大雅已難作風騷誰可親蟲雕徒自苦蟬噪等斯人夫
子今詞伯相逢契夙因願從劉子驥一問往來津

題潘子繡詞集

別具瓊瑤思青天唳鶴同靈均遺響遠平子寫愁工禪諦

燼餘吟卷二

五

雲生水仙心絮裊空莫深秋士感梅閣已東風

題朱韞山司馬詩集

全憑道力縛長鯨赤手能完斗大城豈獨朝歌重虞詡早
從魏闕問真卿吟壇七字機槍落祠廟千春樹石清濤
水伍山遺澤在本來忠孝是家聲

題朱伯韓觀察

琦詩集

獨從正始追風雅感事憂時白髮增

王業艱難新樂府民依悽惻古春陵崢嶸諫草推三直光
焰文章續一燈我擬籍翔拜韓子可容山斗仰師承

附錄朱伯韓觀察次和原韻

臨桂朱琦

五十我猶未聞道風塵鼎鼎歲華增每思歸去如元亮
豈有光芒逼少陵亂後相逢成白首雨餘深友話青燈
平淮再建安吳策落南天一杆承

輓溫伯平方伯

痛說長城壞驚摧烈士腸萬人同日死六合男婦同時及
義一系動星芒九月初旬星芒竟天大節天真憫孤忠

帝特彰事上以布政使議郎龍池餘戰血太息比睢陽同

者李大生刺史羅鎮軍玉武夏都戎定邦

餘泗江淮接同仇喜共君蒼頭騰壯旅倚角扼孤軍癸丑

袁浦集練與六合相倚兩辰剿辦匪首功軍興

爐餘吟卷二

六

憐才北海文去秋蒙薦幫辦浦六戎旃惟一面神交六年

營一奇氣鬱風雲防務實深薦福之威惟施管大

急遞都梁至開函淚滿襟本年九月十三日專勇目葉福

日至今急為發達心甚悲風餘戰馬街石愴冤禽義烈千

秋史艱危六載心淒涼舊部曲死狀劇哀音武生馬元科

義時狀告諸云社

如昔嚴公母君母已同歸卜壺兒德配王夫人公錚錚忠

孝傳慘慘棣棠詩府弟嚴五明馬革原無悔龍驤莫再遲

英雄長涕泗待展太真祠

聽雨

兵燹西南喚奈何東南畫舫自笙歌金園蓬背蕭蕭雨不
及江淮涕淚多

贈孫琴西衣言太守時以待從

報國文章重

講筵清班鵷鷺望真仙竭來玉珮瓊裾客忽賦金戈鐵馬
篇烽燧未消千里戍瘡痍親問

九重天召見時天語橫流決滌思援手我亦蒼生盼

解懸

附錄孫琴西太守寄和原韻時均在

慷慨憂時動四筵李膺舟楫逐登仙每思坐論求奇士

爐餘吟卷二

七

況復投詩得僞篇旅泊依然同浦澈風潮偏似隔江天

夜闌獨啟蓬窗望河漢橫斜斗柄懸

毘陵舟次薛華亭明府馬石樵明經話舊次夏日華

亭見贈元韻

干戈滿地客魂驚怒髮猶思一劍橫極目總憐無樂土同

心何處是堅城鄉園獨樹荒村夢風雪扁舟故舊情衰鬢

他鄉憑慰藉幾人患難重平生

附錄薛華亭見贈原作 江浦薛榮

知君無恙喜還驚一笑翻教老淚橫江表萬家安夜枕

淮壩千里重長城天留特輔中興盛我念非惟舊友情